

Na osnovu člana 16. stav 1. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj 7/10) i člana 23. Zakona o dopunskim pravima branilaca i članova njihovih porodica ("Službene novine Zeničko-dobojskog kantona" broj 6/06, 9/07 i 18/12), na prijedlog Ministarstva za boračka pitanja, Vlada Zeničko-dobojskog kantona, na 106. sjednici, održanoj dana 04.04.2013. godine, d o n o s i

U R E D B U

O IZMJENAMA I DOPUNAMA UREDBE O STIPENDIRANJU BRANILACA I ČLANOVA NJIHOVIH PORODICA

Član 1.

(Izmjene i dopune člana 1.-Predmet Uredbe)

U članu 1. Uredbe o stipendiranju branilaca i članova njihovih porodica-Prečišćeni tekst ("Službene novine Zeničko-dobojskog kantona" broj 2/09, u daljnjem tekstu: Uredba), iza riječi "porodice," dodaju se riječi: "koji su srednje obrazovanje stekli u školama na području Bosne i Hercegovine,", a iza riječi: "ustanove" stavlja se tačka i ostatak teksta se briše.

Član 2.

(Izmjene člana 3.-Korisnici prava)

- (1) U članu 3. Uredbe, u tački c) broj "6" zamjenjuje se brojem "24", a riječi: "od 18.09.1991.godine." zamjenjuju se riječima: "od 06.04.1992. godine".
- (2) U tački g) riječi: "učesnika rata" zamjenjuju se riječima: "koji su u redovima Oružanih snaga proveli najmanje 24 mjeseca u periodu od 06.04.1992. godine do 23.12.1995. godine".
- (3) U tački i) riječi: "od 18.09.1991. godine" zamjenjuju se riječima: "od 06.04.1992. godine".

Član 3.

(Izmjene i dopune člana 4.-Definicije)

U članu 4. Uredbe, iza broja "56/05" veznik "i" zamjenjuje se zarezom, riječi: "70/07)," zamjenjuju se riječima: "70/07 i 9/10) i", iza broja "70/05" veznik "i" zamjenjuje se zarezom, iza broja "61/06" dodaju se riječi: "i 9/10", a nakon zgrade stavlja se tačka i ostatak teksta se briše.

Član 4.

(Dopune člana 7.-Izuzete od prava učešća na konkursu)

U članu 7. stav (1) Uredbe, u tački e) na kraju teksta tačka se zamjenjuje tačkom zarezom, a iza tačke e) dodaju se nove tačke f) i g):

- "f) oni ili članovi njihovog porodičnog domaćinstva obavljaju obrtničku ili srodnu djelatnost;
- g) koji su upisali studij poslije navršene 25. godine života."

Član 5.

(Izmjena člana 8.-Obavezna dokumentacija uz prijavu)

U članu 8. Uredbe, u tački f) riječ "prihodu" zamjenjuje se riječima: "prosječnom prihodu za posljednja tri mjeseca,".

Član 6.

(Dopuna člana 11.-Dodjela stipendija bez bodovanja)

U članu 11. Uredbe, iza riječi "više" a prije tačke na kraju teksta, dodaju se riječi: "i student sa procentom invaliditeta 70% i više".

Član 7.

(Izmjene i dopuna člana 14.-Socijalno-ekonomska situacija)

- (1) U članu 14. stav (1) Uredbe, u tački c) iza riječi "više" dodaje se riječ "redovna", a riječ "kandidata" se briše.
- (2) U stavu (2) riječi: "privredne i uslužne" se brišu.
- (3) U stavu (4) riječi: "uvjerenje Porezne uprave o ostvarenom prihodu (završni račun za proteklu godinu) odnosno plaćenom porezu za druge djelatnosti," se brišu.

Član 8.

(Dopuna člana 15.-Ratna priznanja, ratni staž i stepen invaliditeta roditelja)

U članu 15. stav (2) Uredbe, iza riječi "bod" a prije tačke na kraju teksta, dodaju se riječi: "a za drugog roditelja pola boda".

Član 9.

Ova Uredba stupa na snagu narednog dana od dana objavljivanja u "Službenim novinama Zeničko-dobojskog kantona".

Broj: 02-_____/13.

Datum, 04.04.2013. godine

Z e n i c a

PREMIJER

mr.sci.Fikret Plevljak, dipl.ing.

DOSTAVLJENO:

1x Ministarstvo za boračka pitanja,

1x „Službene novine Zeničko-dobojskog kantona“,

1x a/a.